



Publicaziuns dalla vischnaunca, jamna 30

Damonda da baghegiar

2014-1036.000

Datum dalla publicaziun: 25 da fenadur 2014

Il patrun: Alex Albrecht-Printz, Via Cons 7, 7180 Disentis/Mustér

Il representant: Alex Albrecht-Printz, Via Cons 7, 7180 Disentis/Mustér

Object: Niev mir da curtin (seiv) e fundament per balcon, parcella 778, Via Cons 7, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 21 da fenadur 2014

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2014 – 1026.000

Judith e Simon Cathomen-Bearth, Via Luzzas 5, 7180 Disentis/Mustér; construcziun d'ina casa d'ina famiglia, parcella 1620, Via Cuoze-Sut 1, 7186 Segnas.

Disentis/Mustér, ils 22 da fenadur 2014

Uffeci da baghegiar Disentis/Mustér

Purschida gratuita

La vischnaunca da Mustér porscha era uonn a ses habitonts la pusseivladad da visitar gratuitamein la Casa datraffic a Lucerna, www.verkehrshaus.ch. Al spurtegl dall'administraziun communal sa per *mintga di* digl onn vegnir retratg 5 entradas gratuitas. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film Imax per in prezi reduciu
- 10% rabat sin biars artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiare cun quasi tut ils mieds da traffic publics en Svizra?

Dapli informaziuns retscheveis Vus tier l'administraziun communal Mustér (tel. 081 920 36 36 ni e-mail: admin@disentis.ch).

Administraziun communal

Administraziun communal

Avon la fiasta naziunala ei l'administraziun communal serrada **gievvia, ils 31 da fenadur 2014**, naven dallas 16.00. Nus engraziein per Vossa capientscha e survin Vus bugen puspei gliendisdis, ils 4 d'uost naven dallas 9.00.

Administraziun communal Disentis/Mustér



Referendum facultativ spirau

Il 13 da zercladur 2014 ha il cussegl da vischnaunca concediu credit da frs. 250 000.– per l'elaboraziun d'in project en detagl per realisar in'ovra hidraulica en Val Acletta. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Suprastonza communal

Fiasta digl 1. d'uost a Mustér

La fiasta d'igl 1. d'uost 2014 ha liug uonn sil plaz avon la casa communal, en cass da malaura en halla Cons. La fiasta entscheiva allas 18.00 e cuoza entochen allas 24.00. Ei vegn purschiu tratgas preparadas da commembers da Gastro Mustér/Medel sco era specialitads digl gril. Plinavon dat ei musica da divertiment cun il duo Desertina ed ina producziun dils Sunatibas Posta biala da Sumvitg. Il menaschi d'ustria vegn organisaus dall'uniun da costumes da Mustér. Ruedi Lustenberger, president dil cussegl naziunal, salva il plaid festiv.

Sco usitau dat ei in til da lampiuns pils affons (lampiuns vegnan mess a disposiziun gratuitamein) ed in fiug bengal. Per dar ina speciala tempr a nossa fiasta naziunala fuss ei bi, sch'igl entir vitg vegness embellius cun bandieras e lampiuns. Nus selegrein d'astgar beneventar Vus alla fiasta naziunala.

Vischnaunca da Mustér

1.-August-Feier in Disentis

Die 1.-August-Feier findet dieses Jahr auf dem Platz vor dem Gemeindehaus statt, bei schlechtem Wetter in der Halle Cons. Die Feier beginnt um 18.00 Uhr und dauert bis 24.00 Uhr. Die Festwirtschaft bietet verschiedene Spezialitäten an, welche von Mitgliedern der Gastro Disentis/Medel zubereitet werden sowie Feines vom Grill. Ferner gibt es musikalische Unterhaltung mit dem Duo Desertina und eine Aufführung der Alphornggruppe Sunatibas Posta biala von Sumvitg. Die Festrede wird von Ruedi Lustenberger, Nationalratspräsident, gehalten. Wie üblich gibt es auch dieses Jahr einen Lampionumzug für Kinder (Lampions werden gratis abgegeben) und ein Feuerwerk. Um unserem Nationalfeiertag eine spezielle Note zu verleihen, würden wir es begrüßen, wenn das ganze Dorf geschmückt bzw. beflaggt würde.

Wir freuen uns, Sie an unserer Feier begrüßen zu dürfen.

Gemeinde Disentis/Mustér

Fiasta digl 1. d'uost a Mustér (vias)

Venderdis, igl 1. d'uost 2014 festivein nus la fiasta digl 1. d'uost sil plaz avon casa communal. Per quei intent vegnan la Via Cons e la Via da Scola serradas naven dallas 15.00 entochen allas 1.00 per scadin traffic. La Via Cons ei serrada sil tschancun naven dalla cruschada Via Lucmagn entochen sin l'altezia Halla Cons, la Via da Scola sil tschancun naven dalla cruschada Via Lucmagn entochen sin l'altezia dalla Casa Hirundella. La fermada dallas vias vegn signalisada. Per la capientscha engraziein nus grondamein allas vischinas ed als vischins pertuccai.

Uffeci da baghegiar Disentis/Mustér



Controlla da habitonts

Mortoris

Alfons Manetsch-Derungs, naschius ils 8 d'uoost 1935, morts ils 10 da fenadur 2014.

Alfons Deflorin-Sac, naschius ils 30 da settember 1932, morts ils 19 da fenadur 2014.

Conzert d'orgla en baselgia S. Gions

Sonda, ils 26 da fenadur 2014 allas 10.30 ei concert d'orgla. Roman Cantieni suna ovas da J. S. Bach en baselgia parochiala S. Gions a Mustér.

Apparats d'udida

Gliendisdis, ils 28 da fenadur 2014 saveis Vus schar schubergiar e regular Vies apparat d'udida naven dallas 14.00–16.00 el Puntreis Center da sanadad a Mustér, Via Cons 11. L'uniun Pro Audito Cuera, cun signur Arthur Jacomet fa quei survetsch per tuts interessents gratuitamein. Cordiala invitaziun

*Puntreis
Center da sanadad*